

# THULAGANYO YA PHOLOSO



## THULAGANYO YA PHOLOSO KE ENG?

Thulaganyo ya **pholoso\*** ke thulaganyo ya Modimo ya boitumelo jwa bana ba Gagwe. E ikaegile mo **Tefong** ya ga Jeso Keresete. Fa ele gore o tlaa sala morago dithuto tsa ga Jeso Keresete, o tlaa bona kagiso e e boteng e e tsayang sebaka mo botshelong jo le boipelo jwa bosa khutleng morago ga loso.

Jaaka fa o ithuta ka ga thulaganyo ya pholoso, o tlaa bona dikarabo go dipotso tse: “Ke tswa ko kae?” “Maikaelelo a me a botshelo ke eng?” “Ke ya ko kae morago ga botshelo jo?”

## KE TSWA KO KAE?

Botshelo jwa gago ga bo a simologa kwa matsalong, kana bo felela kwa losong. O dirilwe ka **mowa** wa mmele (fa gongwe o bitswa motho) le mmele wa senama. Rraetsho yo o kwa Legodimong o tlhodile mowa

wa gago, e bile o ne o tshela le Ene o le mowa pele ga o tsholwa mo lefatsheng. O ne o mo itse le go Mo rata, e bile A go itse le go go rata. Sebaka se se bidiwa **botshelo jwa lefatshe la pele**.

Ka botshelo jwa lefatshe la pele, o ne o rutilwe melawana le ditaello tse di isang kwa boitumelong. O godile ka botlhale mme wa ithuta go rata boammaaruri. O ne o rutilwe ka ga thulaganyo ya pholoso. Ka sebaka sa botshelo jwa lefatshe la pele, Jeso Keresete o ne a tlhophiwa ele

Mmoloki; o ithutile gore ka Ene o ka fenywa ditlamorago tsa ditshwetso tse di fosagetseng.

Karolo ya botlhokwa ya thulaganyo ya Modimo e ne ele gore o tle mo lefatsheng go amogela mmele wa senama le go ithuta go dira ditshwetso tse di siameng. Ga o kake wa gakologelwa fa o ne o tshela fa pele ga Rraetsho yo o kwa Legodimong, mme O tlaa go fa kgonagalo ya go itse tshiamo le phosego. O tlaa kgona gore o kgone go lemoga lorato la Gagwe le boammaaruri. Ka maitemogelo le diteko tsa gago, o ka ithuta

*“Thulaganyo ya  
[pholoso] . . . e ne sale e  
baakanyeditswe gotsweng  
motheong wa lefatshe,  
ka Keresete, go botlhe  
bao ba ba tlaa dumelang  
mo leineng la gagwe.”*

**Alema 22:13**

\*Mafoko a a mashibidu a thalosiwa mo ditsebeng 18 le 19.

**Leiwapa le fa gare mo thulaganyong ya ga Rraetsho yo o kwa Legodimong.**





go dira ditshwetso tse di siameng ka go latelelana. Ka thuso ya ga Jeso Keresete, o tla a bo o kgona go boela go tshela le Rraetsho yo o kwa Legodimong fa botshelo jwa gago mo lefatsheng bo fedile.

Mo botshelong jwa lefatshe la pele, o ne wa ithuta gore fela ka go tlhophha go sala morago thulaganyo ya Modimo ke gone o ka amogelang kagiso e e tsayang sebaka mme e kgotsofatsa mo botshelong jo le go isa bosa khutleng. Ka gore o A go rata, Rraetsho yo o kwa Legodimong o go file **go itlhophela**, kgotso thata ya go tsaya ditshwetso. O go letlelela gore o itlhophele gore a o tlaa sala morago thulaganyo ya Gagwe le Morena Jeso Keresete.

Saatane, mongwe wa bana ba Modimo ka semowa, o ne a tsuuloga kगतलhanong le Rraetsho yo o kwa Legodimong mme a seka a amogela thulaganyo ya gagwe. O ne a batla go re patika rotlhe gore re dire thato ya gagwe. Ka maswabi, bontsi jwa bana ba ga Rraetsho yo o kwa Legodimong ba ne ba tlhophha go sala morago Saatane. Saatane le balatedi ba gagwe ba ne ba romelwa go sele gotsweng fa pele ga Modimo mme bane ba seka ba letlelelwa gore ba tsholwe mo lefatsheng. Ba tswelela go nna ele mewa. Ba mo bohutsaneng, e bile ba batla gore o hutsafale. Ba a go raela le bana botlhe ba Modimo go re ba dire dilo tse di sa tliseng boitumelo di sa kगतलlise Modimo.

Mo botshelong jwa lefatshe la pele, o ne wa itlhophela go nna le tumelo mo go Jeso Keresete le go sala morago thulaganyo ya Modimo. Ka go itlhophela ga gago, o ne wa tsholwa mo lefatsheng. Ke fela ka go tsaya ditshwetso tse di tshwana tse o ka bona kagiso mo botshelong jo le go kgona go boela go tshela le Rraetsho yo o kwa Legodimong morago ga fa botshelo jo bo felela.

*Lentswa kgakologelo ya gago ya teng e tserwe mo go wena, pele ga o tla mo lefatsheng le o tshidile fa pele ga Modimo, Rara wa Bosa khutleng, le Morwa wa Gagwe, Jeso Keresete. O ne wa gowa ka boipelo fa o ne o fiwa monyetla wa go tla mo lefatsheng le go amogela mmele le go sala thulaganyo ya Modimo ya boitumelo jwa gago.*

\*Mafoko a a mashibidu a tihalosiwa mo ditsebeng 18 le 19.

# MAIKAELELO AME A BOTSHELO KE ENG?

## Tlholego le Go wa

Lefatshe le ne le tlhodilwe ele lefelo le bana ba ga Rraetsho yo o kwa Legodimong batla tshelang mme ba nne le maitemogelo. Atamo le Efa e ne ele bana ba Modimo ba ntlha go tla mo lefatsheng. Bane ba tshela mo lefelong le le neng le bidiwa Tshimo ya ga Etene, koo ba neng ba ntse bale fa pele ga Modimo.

Rraetsho yo o kwa Legodimong o ne a file Atamo le Efa go itlhophela, kgotsa kgololesego ya go tlhopha. O ne a ba fa taolo ya gore ba seka ba ja leungo la setlhare sa kitso ya molemo le bosula. Go obamela molao o go ne go raya gore ba ka nna mo tshimong, mme ba ne ba se kake ba tswelelapele ka go ithuta gotsweng maitemogelong le dikgwetlhong. Saatane o ne a raela Atamo le Efa go ja leungo leo le neng le ilediwa, mme ba ne ba itlhophela go dira jalo. Se ene ele karolo ya thulaganyo ya Modimo. Ka go bo ele tshwetso ya bone, bane ba kgaogana gotsweng fa pele ga Modimo ka senama le ka semowa. Bane ba nna ba baswang, ke gore, bale ka fa tlase ga sebe le loso. Bane ba se kake ba kgona go boela kwa go Ene fa ese ka thuso ya Gagwe. Kgaogano ya senama le semowa gotsweng go Modimo e bidiwa **Go wa**.

Rraetsho yo o kwa Legodimong o ne a romela baengele le Mowa o o Boitshupo go ruta Atamo le Efa thulaganyo ya pholoso. Pinagare ya thulaganyo e ke Tefo ya ga Jeso Keresete, eo e kgonegisang bana ba Modimo go fenya ditlamorago tsa Go wa mme ba nne le boipelo mo botshelong jo le mo bosa khutleng.

\*Mafoko a a mashibidu a thalosiwa mo ditsebeng 18 le 19.

*“Fa Atamo a ne a sa leofa o ne a ka se kake a wa, mme o ne a ile go nna mo tshimong ya Etene. . . .*

*“Mme [Atamo le Efa] ba ne ba ka seke ba nne le bana; ka jalo ba ne ba ya go nna mo seemong se ba senang selabe, ba sa itse boipelo, go nne ba sa itse bohutsana; ba sa dire molemo ope, go nne ga ba itse sebe sepe.*

*“Mme bonang, dilo tsotlhe di dirilwe ka botlhale jwa ene yo o itseng dilo tsotlhe.*

*“Atamo o wele gore motho a ka nna; mme motho ke yoo, gore a ka nna le boipelo.”*

**2 Nifae 2:22–25**





## Botshelo jwa Gago mo Lefatsheng

Ka Gowa, o kgaogantswe le Modimo ka senama le semowa. Kgaogano e ke karolo ya thulagano ya Modimo ya bana ba Gagwe Maikemisetso a gago a go tswa fa pele ga Gagwe go tla mo lefatsheng a akaretsa go nna le mmele, go nna le maitemogelo, le go ithuta go dira ditshwetso tse di siameng.

Dilo ka bontsi tsa botshelo di tliša boitumelo, mme tse dingwe di tliša bohutsana. Maitemogelo a a go thusa go ithuta go farologanya gare ga molemo le bosula le go dira ditshwetso tse di siameng. Modimo o go tlišotheletsa go dira molemo le go Mo sala morago, fa Saatane ene a go raela gore o itlhokomolose Modimo mme o dire sebe. (Sebe ke fa o itse gore o tlhophaphosego kgotsa ga o dire se se siameng.) Fa o tlhophago sala Modimo morago le go tshegetsa melao ya Gagwe, o gola mo botlhaleng le mo nonofong ya mokgwa. O ka nna le maitemogelo a boipelo le ka tota ka nako ya teko, mme o ka itebaganya le dikgwe-tlho tsa botshelo ka mowa wa kagiso.

O dirile ditshwetso tse di molemo tse dintsi mo botshelong jwa gago, mme gape o dirile ditshwetso tse dingwe tse di phoso. Fa o dira ditshwetso tse di phoso gape o dira sebe, o ikgaganya ka selekanyo sengwe gotswa Modimong. Mafoko a tumelo a bitsa go kgaogana mo **loso la semowa**. Mo godimo ga go kgaogana gotsweng kwa Modimong, sebe gape se dira gore re nne molato e bile re tlhajwe ke ditlhong. O ka se fenye sebe le ditlamorago tsa sone ka bo wena.

*“Ke ngwana wa Modimo,  
Mme o nthometse fano,  
A mpha legae la  
mo lefatsheng  
Le batsadi ba bopelo-  
phepa le ba ba lorato.  
Nketelepele, nkaele, tsa-  
maya fa thoko game.  
Nthuse go bona tsela.  
Nthute tsoitlhe tse ke  
tshwanetseng go di dira.  
Go tshela le ene  
tsatsi lengwe.”*

**Sefela, sa bo 301.**

\*Mafoko a a mashibidu a tihalosiwa mo ditsebeng 18 le 19.

## Tefo ya ga Jeso Keresete

Ka gore Rraetsho yo o kwa Legodimong o a go rata, O rometse Morwa wa Gagwe, Jeso Keresete, go duelela dibe tsa gago. Tuelo e ke karolo ya Tefo ya ga Jeso Keresete. Jeso Keresete o ithaopile go bogisegela

dibe tsa gago, matlhoko, malwetsi, le mahutsana. Ke **matlhogonolo a Gagwe** le kutlwelobotlhoko, O ka go thusa mo ditekong tsa gagwe mme a go imolole molato le go tlhajwa ke ditlhong gotsweng mo dibeng tsa gago.

Mo go dueleng dibe tsa gago, Jeso o ne a sa sutise go itlhophela ga gago kgotsa maikarabelo a gago ka bo wena— Ga a kake a go dira sekono kgatlhanong le thato ya gago. Go amogela thuso ya Gagwe le nonofo, o tlhokana le go katisa tumelo mo go Ene, o ikwatlhaya, go

kolobediwa, go amogela Mowa o o Boitshepo, le go tlhopha go Mo sala morago botshelo jwa gago jotlhe. Jaaka fa o ikaega mo tefong, o tlaa ikutlwa lorato la Modimo, mme O tlaa go thusa go itshokela diteko tsa gago. O tlaa nna le maitemogelo a boipelo, kagiso, le kgomotsego. Tsotlhe tseo di lebegang di sa siamang ka botshelo di ka dirwa gore di siame ka Tefo ya ga Jeso le kutlwelobotlhoko le lorato la Rraetsho yo o kwa Legodimong. Tefo ke ntlha e e fa gare mo thulaganyong ya pholoso.

## KE YA KO KAE MORAGO GA BOTSHELO JO?

Gotsweng ka pono ya sefatshe, **loso lwa senama** le ka nna la lebege ele bokhutlo, mme tota ke tshimologo, kgato go yeng pele mo thulaganyong ya ga Rraetsho yo o kwa Legodimong. Ka loso, mowa wa gago o tlogela mmele mme o ye ko **lefatsheng la semowa**, ko eleng lefelo la go ithuta le go baakanyetsa. Ko lefatsheng la semowa, dikgakologelo tsa gago tsa botshelo jo di tlaa sala le wena.

*“Gonne Modimo o ratile lefatshe, mo a fileng Morwaagwe a le esi, gore ope yo o dumelang mo go ene a seka a nyelela mme a bone botshelo jwa bosakhutleng.*

**Johane 3:16**

\*Mafoko a a mashibidu a thalosiwa mo ditsebeng 18 le 19.

**Mmoloki o bogisegetse dibe tsa rona mo Tshimong ya Gethesemane.**



**K**a loso mowa o tlogela mmele wa gago mme o ye ko lefatsheng la semowa, lefelo la ipaakanyetso, la go ithuta, le go ikhutsha mo tlhokomelong yotlhe le bohutsana.

Loso ga le ne le fetola botho jwa gago kgotsa dikeletso tsa molemo kgotsa bosula. Fa o itlhophela go sala morago Keresete mo sebakeng sa botshelo jwa gago mo botshelong, o tla nna ka kagiso mo lefatsheng la semowa le go ikhutsha gotsweng ditlhokomelong tsotlhe. Bao ba ba itlhophelang go se saleng morago Keresete mme ba sa ikwatlhae ba tlaa nna ba sa itumela.

Rraetsho o ne a itsile gore bana ba Gagwe ka bontsi ga bane ba nna le tshono ya go ithuta ka ga Jeso Keresete ka sebaka sa matshele a bone le gore ba bangwe ba tlaa itlhophela go seke ba Mo sala morago. Ka gore O ratile bana ba gagwe, Modimo o tlametse ka tsela go bao ba ba kwa lefatsheng la semowa gore ba ithute ka ga thulaganyo ya Gagwe, ba nne le tumelo mo go Jeso Keresete, le go ikwatlhaya. Bao ba ba amogelang le go sala morago Jeso Keresete ba tlaa nna le kagiso le phomolo.

### **Tsogo ya baswi le Katlholo**

Nngwe ya dimpho tse dikgolo tsa Modimo go botlhe ba ba tlang mo lefatsheng ke **tsogo ya baswi**, mo o go kgonagedisiwang ke Tefo ya ga Jeso Keresete. E ne ya re Jeso a swa mo sefapaanong, mowa wa Gagwe o ne wa ya kwa lefatsheng la semowa. Malatsi a le mararo morago, mowa wa Gagwe o ne wa kopana gape le mmele wa Gagwe wa kgalalelo, o ntse ka botlalo o sa tlhole o o swa. Go kopana mo ga mmele le mowa go bidiwa **tsogo ya baswi**. Mongwe le mongwe yo o tsholwang mo lefatsheng o tlaa tsosiwa mo baswing.

Morago ga o sena go tsosiwa mo baswing, o tla a ya fa pele ga Modimo go atholwa go ya ka ditiro tsa gago le dikeletso tsa pelo ya gago.

\*Mafoko a a mashibidu a thalosiwa mo ditsebeng 18 le 19.

**Mmoloki yo o tsogileng mo baswing o ne a iponagatsa go Marea.**



## Selekanyo sa Kgalalo

Morago ga o sena go athholwa, o tlaa tshela mo seemong sa kgalalelo. Ka gore ditiro le dikeletso tsa mongwe le mongwe di a farologana, legodimo le akaretsa magosi a a farologanyeng ka kgalalelo.

**Bogosi jwa Selesetiale.** Rraetsho yo o kwa Legodimong le Jeso Keresete ba nna kwa bogosing jwa selesetiale. Fa o tshela go ya ka fa efangele ya ga Jeso Keresete mme o tlhatswitswe mo sebeng ka Tefo, o tlaa amogela lefelo mona, mo bogosing jo bo kwa godimo le go feta. O tlaa tshela fa pele ga Modimo mme o itse boipelo jo bo tletseng.

**Bogosi jwa Theresetiale.** Batho bao ba ganang go amogela efangele ya ga Jeso Keresete mme ba tshela matshelo a tlotla ba tlaa amogela lefelo mo bogosing jwa theresetiale.

**Bogosi jwa Telesetiale.** Bao ba ba tswelang mo dibeng tsa bone mme ba sa ikwatlhae ba tlaa amogela lefelo kwa bogosing jwa telesetiale.

## Tefo ya ga Jeso Keresete e dira pholoso gore e kgonege.

### Botshelo jwa lefatshe la-pele

Tiholego  
le Go wa

### Botshelo jwa Lefatshe

Tumelo mo go Jeso Keresete  
Boikotlhao  
Kolobetso

Mpho ya Mowa o o Boitshepo  
Go itshoka go ya bokhutlong

Loso Iwa  
senama

## THULAGANYO E RAYA ENG GO NNA?

Fa o tthaloganyana Modimo gore ke Rara wa gago, gore O a go rata, le gore O dirile kgonagalo go wena ya gore o nne le maitemogelo le kitso fana le go nna jaaka Ene morago ga botshelo jo, o itse botlhokwa jwa ditshwetso tsa gago mo botshelong jo. O tthaloganyana gore o tshwanetse go sala Jeso Keresete morago go amogela masego otlhe ka botlalo a thulaganyo ya ga Rraetsho yo o kwa Legodimong.

**Lefatshe la Semowa**

**Selesetiale**  
**Thereseteriale**  
**Telesetiale**

Tsogo ya Baswi le  
Katlholo

## KE KA ITSE JANG?

Kitso e kgolo ya thulaganyo ya pholoso e tlike ka efangele ya Puseletso ya ga Jeso Keresete ka Moporofiti Joseph Smith.

O ka itse ka bo wena gore dilo tse di boammaaruri ka go botsa Rraetsho yo o kwa Legodimong ka thapelo. O tlaa go araba ka Mowa o o Boitshepo. Mowa o o Boitshepo gape o bidiwa Mowa wa Modimo,

mme nngwe ya tiro ya Gagwe ke go fa bosupi, kgotsa go fa bopaki, jwa boammaaruri. Mowa o o Boitshepo o tlhomamisa boammaaruri ka maikutlo, dikakanyo, le megopolo. Maikutlo ao a tlang gotsweng Moweng o o Boitshepo a maatla, mme gape gantsi a bokgwabo a didimetse. Jaaka go rutilwe mo Baebeleng, “Maungo a Mowa ke lorato, boipelo, kagiso, boitshoko, bokgwabo, bomolemo, tumelo, bonolo, [le] boitshwaro” (Bagalatia 5:22–23). Maikutlo a ke tlhomamiso go tswa go Mowa o o Boitshepo gore molaetsa o o boammaaruri. O tla re jalo o tlhoke go itlhophela gore a o tlaa tshela mo kagisong ka efangele ya ga Jeso Keresete jaaka fa e buseleditswe ka Joseph Smith.

### *Ke Rapela Jang?*

- *Buisa Rara wa gago wa Legodimo.*
- *Bua maikutlo a gago a pelo(malebogo, dipotso, dikopo go tlhomamisa gore a Buka ya ga Momone e boammaruri le seo baanamisa efangele ba se rutileng).*
- *Tswala(“Mo leineng la ga Jeso Keresete, amene”).*





## MOLA WA DITHEME

**Botshelo jwa lefatshe jwa-pele** Botshelo jwa rona pele ga re tsholwa mo lefatsheng. Mo botshelong jwa rona jwa lefatshe la-pele, re tshidile fa pele ga ga Rraetsho yo o kwa Legodimong rele bana ba Gagwe ka semowa. Re ne re sena mebele ya senama.

**Goitlhophela** Mpho gotsweng Modimong go itlhophela gareng ga molemo le bosula, le gareng ga tshiamo le phoso.

**Go wa** Tiragalo eo batho ba nnileng ba selefatshe. Se ke maduo a kgaogano ya senama le semowa gotsweng go Modimo. Ka gore Atamo le Efa, batshidi bantlha, bane ba sa obamela melao ya Modimo, ba ne ba kgaogana gotsweng fa pele ga Gagwe (kgaogano e gape e bidiwa loso la semowa) mme ba nna ka selefatshe (ba le kafa tlase ga loso lwa senama). Jaaka rele dikokomane tsa ga Atamo le Efa, le rona gape re kgaogane gotsweng mo Modimong mme re ka fa tlase ga loso lwa senama. Tefo ya ga Jeso Keresete e fentse gotlhe loso la senama le la semowa.

**Lefatshe la Semowa** Koo mewa ya rona e yang gareng ga loso le tsogo ya baswing. Go bao ba ba neng ele basiami ka sebaka sa matshelo a bone, lefatshe la semowa e tlaa nna lefelo la kagiso le boipelo.

**Loso la Semowa** Go kgaogana gotsweng go Modimo ka lebaka la go sa obameleng ditaello tsa Gagwe. Re pholosiwa gotsweng mo losong la senama ka Tefo ya ga Jeso Keresete jaaka re ikwatlhaya le go tshegetsatsa melao ya Gagwe.

**Loso la Senama** Go kgaogana ga mowa gotsweng mo mmeleng wa selefatshe. Fa mmele wa senama o o swa, mowa o tswelela o tshela mo lefatsheng la semowa. Re fenyatsa loso lwa senama ka go tsoga mo baswing, moo go kgonigesitsweng ka Tefo ya ga Jeso Keresete.

**Matlhogonolo** Thuso ya selegodimo le thata di filwe ka kutlobotlhoko le lorato la ga Jeso Keresete. Ka matlhogonolo a Gagwe, ao a kgonigesitsweng Tefo ya Gagwe, batho botlhe ba tlaa tsoga mo baswing. Ka Matlhogonolo a Gagwe, bao ba ba tswelelang ka go ikwatlhaya mme ba tshela go ya ka efangele ya Gagwe ba tlaa ikutlwa ba itshokela ka bogaufi thata go Rraetsho yo o kwa Legodimong mo botshelong jo le go tshela fa pele ga Gagwe morago ga botshelo jo.

**Mowa** Karolo ya motho eo e tshidileng le Rraetsho yo o kwa Legodimong pele ga matsalo. Ka sebaka sa botshelo mo lefatsheng, mowa o kopanngwa le mmele wa senama. Mowa o tswelela ka go tshela morago ga loso.

**Pholoso** Kgololo gotsweng sebeng le loso. Pholoso e dirilwe gore e kgonege ka Tefo ya ga Jeso Keresete. Ka Tsogo ya baswi ya ga Jeso Keresete, mongwe le mongwe o tlaa fenywa ditlamorago tsa loso. Re ka kgona go pholoswa gape gotsweng mo ditlamoragong tsa dibe ka tumelo go Jeso Keresete. Tumelo e e iponagatsa mo botshelong jwa boikotlhae le kobamelo go melao le ditlhomu tsa efangele le tirelo go Keresete.

**Tefo** Tiragalo e e letlelelang go ikagisanya le Modimo. Go lefa ke go bogisegela melato ya sebe, ka jalo e ntsha ditlamorago tsa sebe go tswa mo moleofing yo o ikwatlhayang. Jeso Keresete e ne e ene ka esi a ka kgonang go dira Tefo e e itekanetseng ka botlalo ya batho botlhe. Tefo ya Gagwe e ne e akaretsa go bogela dibe tsa rona, go tshololela madi a Gagwe, le loso la Gagwe le Tsogo ya baswi. Ka ntlha ya Tefo, mongwe le mongwe yo o a tshedileng o tla a tsosiwa mo baswing. Tefo gape e re tlamela ka tsela ya go itshwarelwa dibe le go tshela go ya goile le Modimo.

**Thulaganyo ya pholoso** Thulaganyo ya ga Rraetsho yo o kwa Legodimong e re kgonisa gore re nne jaaka Ene le go amogela boipelo ka botlalo. Thulaganyo e e ikaegile mo Tefong ya ga Jeso Keresete mme e akaretsa melao yotlhe, ditlhomu, le dithuto tsa efangele.

**Tlhomu** Tiro semmuso e e diragadiwang ka boitshepo, ya taolo ya boperesiti. Sekai se akaretsa kolobetso, go amogela Mowa o o Boitshepo, le sakeramente. Ditlhomu ke gantsi ele tsela eo re tsenang mo dikgolaganong le Modimo.

**Tsogo ya baswi** Morago ga loso lwa senama, bokopano jwa mowa le mmele wa senama le marapo ka botlalo. Jeso Keresete e ne ele wa ntlha go tsoga mo baswing. Morago ga tsogo ya baswi, mowa le mmele o tlaa se tlhole gape o kgaogana, mme motho a tshelole ruri. Mongwe le mongwe yo o tshedileng o tlaa tsoga mo baswing ka lebaka la Tefo.

## GO ITHUTA GA TLALELETSO

Dipotso tse di latelang le Mafoko a tla a go thusa go ithuta thata ka ga melawana mo bukaneng e le go di tlathanya. Mola o ga se gotlhe mo go feletseng; dintlha tse di kwa tlase le referense ya sefapaano mo Mafokong di tla a go supegetsa metswedi ya tlaletso ya metsamao ya ditemana.

### Ke eng botsalano jwa gago le Modimo pele ga o tsholwa?

Jeremiah 1:5 (Baebele, Kgolagano e Kgologolo)

Baheberwa 12:9 (Baebele, Kgolagano e Ntsha)

---

---

---

### Ke eng Go wa? Ke eng e ne ele le botlhokwa?

2 Nifae 2:14–26 (Buka ya ga Momone, ditsebe 58–59)

Alema 42:2–9 (Buka ya ga Momone, ditsebe 311–12)

---

---

---

### Maikemisetso a botshelo jwa gago ke eng fana? Kitso ena e ka tlhohlheletsa ditshwetso tse o di dirang jang malatsi mangwe le mangwe?

2 Nifae 2:25–27 (Buka ya ga Momone, tsebe 59)

Alema 34:32 (Buka ya ga Momone, tsebe 295)

---

---

---

**Tefo ke eng? E ka go thusa jang mo malatsing a gago a botshelo?**

Johane 3:16–17 (Baebele, Kgolagano e Ntsha)

Baroma 3:23–25 (Baebele, Kgolagano e Ntsha)

2 Nifae 2:6–8 (Buka ya ga Momone, tsebe 57)

Alema 7:11–12 (Buka ya ga Momone, tsebe 225)

Alema 42:22–23 (Buka ya ga Momone, ditsebe 312–13)

---

---

---

**Lefatshe la semowa ke eng? Go diragalang koo?**

1 Petoro 4:6 (Baebele, Kgolagano e Ntsha)

Alema 40:11–14 (Buka ya ga Momone, tsebe 308)

---

---

---

**Go raya eng go tsoga mo baswing? Ke mang yo o tlaa tsogang mo baswing? Ke eng go tsoga mo baswing gole botlhokwa?**

2 Nifae 9:13–15 (Buka ya ga Momone, ditsebe 73–74)

Alema 11:42–45 (Buka ya ga Momone, ditsebe 236–37)

---

---

---

**Legodimo ke eng? Ke eng fa go na le dikgalalelo tse di farololganeng?**

1 Bakorinta 15:40–43 (Baebele, Kgolagano e Ntsha)

---

---

---

## OBAMELA LE RONA

---

TLAYA O BONE KA FA PUSELETSO YA EFANGELE E  
KA SEGOFATSANG BOTSHELO JWA GAGO KA TENG



Phuthego ya Sakaramente ke konokono ya tirelo ya kobamelo. Gantsi e nna sebaka se sefentang oura go se gonnye le gore e nna ka nako tsotlhe e nale le tse di latelang:

*Difela:* Diopelwa ke phuthego. (Dibuka tsa Difela di a fiwa.)

*Dithapelo:* Di fiwa ke beng gae ba maloko a Kereke.

*Sakaramente:* Senkgwe le metsi di a segofadiwa le go fitisediwa go phuthego e le kgakologelo ya Tefo ya ga Jeso Keresete.

*Dibui:* Gantsi mongwe kgotsa ba le babedi ba maloko a phuthego ba bo ba filwe go buisa setlhogo sa efangele.

*Kapari:* Banna le basima ka karetso ba apara disutu kgotsa marokgo le hempe le thai. Basadi le basetsana ba apara mesese kgotsa dikete.

Dikabelo ga di kopiwe ka nako ya tirelo ya kobamelo.

Re go laletsa gape gore o tsenelele diphuthego tsa tlaleletso, go yeng ka dikgatlhego tsa gago le setlhophha sa dingwaga tsa gago. Tatelano le boleng teng jwa diphuthego tse bo ka nna jwa farologana.

*Sekole sa Sontaga:* Ditlelase tsa go ithuta Mafoko le dithuto tsa efangele.

*Diphuthego tsa Boperesiti:* Ditlelase tsa banna le basimane ba dingwaga tse 12 le go feta.

*Mokgatlho wa Thuso:* Ditlelase tsa basadi ba ba dingwaga tse 18 le go feta.

*Basadi ba Botlana:* Ditlelase tsa basetsana ba ba dingwaga tse 12 go isa go 18.

*Poremari:* Setlhophha sa tirelo le ditlelase tsa bana ba dingwaga tse 3 go isa go tse 11. Banyana(nursery) ya bana ba ba dikgwedi tse 18 go isa ko dingwagang tse 3 kgapetsa kgapetsa e teng.



Nako ya phuthego ya Sakeramente: \_\_\_\_\_

Aterese ya ko Chapeleng: \_\_\_\_\_

\_\_\_\_\_

\_\_\_\_\_

# Ke Ka Dira Eng?

- Bala Buka ya ga Momone.

Padi e e Akanyeditsweng: \_\_\_\_\_

---

---

---

---



- Rapela gore o itse gore se baanamisa efangele ba se rutileng ke boammaaruri.
- Tsena Kereke.
- Ipaakanyetse go kolobediwa ka di \_\_\_\_\_
- Etela [www.mormon.org](http://www.mormon.org) go re o ithute thata ka ga thulaganyo ya Rraetsho yo o kwa Legodimong ya bana ba Gagwe.
- Tswelela ka go kopana le baanamisa efangele gore o ithute thata ka ga boammaaruri jo Modimo a bo buseleditseng ka baporofiti ba malatsi a segompieno.

Bokopano jo bo latelang: \_\_\_\_\_

Maina a baanamisa efangele le nomore ya mogala:

---

---

KEREKE YA GA  
**JESU KERESETE**  
YA BAITSHEDI  
BA MALATSI A BOFELO

[www.mormon.org](http://www.mormon.org)

**Malebo go Batshwantshi**

Tsebe ya Ntsha: Mo go tseneletseng gotsweng kwa *He Is Risen*, ka Del Parson © Del Parson. O seka wa kopa

Tsebe 11: Mo go tseneletseng gotsweng kwa *Christ in Gethsemane*, ka Harry Anderson

Tsebe 13: *He Is Risen*, ka Greg Olsen. © Greg Olsen. O seka wa kopa

© 2005 ka Kutlwisiso e e Beilweng, Inc. Tella tsotlhe di beilwe. Egatisitse mo USA.

Tella ya Sekgowa: 11/05. Tella ya go ranola: 11/05. Thanolo ya *The Plan of Salvation*. Setswana. 01197 763

SETSWANA



4 02011 97763 8

01197 763